

庚申孟春

歷代咏物詩選

上海進化書局印行

咏物詩選總目

魏塘俞 琰長仁輯

卷第一

天部九十二首

歲時部一百二十三首

歲時部附錄十二首

卷第二

地部六十一首

山部五十首

卷第三

水部六十六首

居處部九十八首

寺觀部二十九首

卷第四

人部四十一首

麀人部七十三首

文部二十七首

武部二十七首

卷第五

樂部五十一首

樂部附錄三首

巧藝部三十一首

器用部一百四首

襟玩部十二首

卷第六

玉帛部十六首

冠服部二十七首

飲食部三十五首

菓部三十三首

穀部八首

蔬部十二首

卷第七

花部一百三十一首

花部附錄五首

木部四十一首

木部附錄八首

草部二十二首

卷第八

禽部七十五首

獸部三十二首

鱗部十一首

介部五首

水族襟部四首

昆蟲部三十九首

咏物詩選卷第八目錄

魏塘俞 琰長仁輯

禽部

鳳

唐李嶠

孔雀

唐李邕

鶴

唐李嶠

又

唐鄭谷

又

唐褚載

獨鶴

唐韋莊

病鶴

唐項斯

鴈

唐鄭谷

新鴈

唐吳融

蜚鴈

明高棅

白鴈

元謝翱可

孤鴈

唐杜甫

又

唐崔塗

鴈字

元謝翱可

又

元闕名

京兆府試出籠鵲

唐濮陽璣

白海青

元袁易

鷹

明申時行

又

唐高越

雉

唐李嶠

烏

唐李嶠

歸鵲

明高啟

鷓鴣

唐鄭谷

又

唐元晟

子規

唐吳融

又

唐雍陶

鷓

唐徐寅

鸚鵡

唐杜甫

又

明高岱

白鸚鵡

附張劬

畫眉

附張劬

畫眉禽

宋文同

畫眉

明范言

鶯

唐羅鄴

又

唐僧貫休

黃鶯

唐鄭谷

聽宮鶯

唐王維

燕

唐鄭谷

又

唐秦韜王

白燕

明袁凱

又

明瞿佑

睡燕

元謝宗可

新燕

元張弘範

歸燕

唐杜甫

燕雛

唐吳融

百舌

唐杜甫

又

唐王維

春鴈

唐溫憲

白鵒

唐徐寅

雀

唐李嶠

又

宋李觀

花上白頭翁

明王綬

戴勝

唐賈島

啄木

唐朱慶餘

桐花鳥

唐僧可朋

鴛鴦

唐崔珏

又

唐崔珏

又

唐羅鄴

鷗

唐杜甫

白鷗

唐陸龜蒙

池上雙鳬

唐吳融

雙白鷺

唐雍陶

鷺

唐鄭谷

又

唐杜牧

鷓鴣

唐唐彥謙

鷓鴣

唐杜牧

翡翠

唐僧齊己

水鳥

唐吳融

鷄

唐徐寅

聞鷄

明瞿佑

鷄鳴

唐汪遵

鷄雛

明瞿佑

花鴨

唐杜甫

鴛鴦

唐李商隱

舟前小鷺兒

唐杜甫

獸部

麟

唐李嶠

獅

明夏言

象

附吳偉業

虎

元於汝玉

豹

唐李嶠

熊

唐李嶠

紫驪馬

唐沈佺期

又

唐秦韜玉

驄馬

唐萬楚

觀內厩馬

明曹棻

胡馬

唐杜甫

病馬

唐杜甫

天馬詞

唐張仲素

素駝

附吳偉業

牛

唐李嶠

代牛言

唐劉叉

老牛

元宋无

羊

唐李嶠

金絲犬

明瞿佑

題犬

元貢性之

白鹿

明瞿佑

猿

唐杜甫

夜猿

唐馬戴

猿

元宋无

又

唐徐寅

白兔

明瞿佑

黑兔

明曹棻

乞猫

明文徵明

懶猫

附張劭

貓兒

宋林通

碩鼠

元鄧文原

銀鼠

附張劭

鱗部

明陳成

雷雨起龍

宋范成大

鯉魚

唐章孝標

黃魚

唐杜甫

金魚

明瞿佑

又

明朱之蕃

比目魚

附吳偉業

白小

唐杜甫

鱸殘

附吳偉業

燕窩

附吳偉業

小魚

唐盧綸

介部

龜

唐徐寅

放龜

唐司空圖

賦得鱉送人之官

明高啟

酬寄海鱉

唐陸龜蒙

蛤蜊

宋孔武仲

水族雜部

海蜃

元謝宗可

海參

附吳偉業

蛙

明張維

蝌蚪

明張維

昆蟲部

蠶

唐蔣貽恭

蟬

唐李商隱

又

金堯懷英

又

唐虞世南

又

宋寇準

夜蟬

唐唐彥謙

又

唐許棠

蜂

明俞允文

又

唐李商隱

又

唐羅隱

又

明郭登

蝴蝶

唐鄭谷

又

唐李建勳

又

唐徐寅

又

宋謝無逸

又

宋謝無逸

又

明瞿佑

白蝶

附張昞

黃蝶

明瞿佑

螢

唐李嘉祐

紅蜻蛚

明瞿佑

又

唐郭震

又

梁元帝

又

唐白居易

又

唐羅鄴

聞蛩

明朱之蕃

促織

唐杜甫

又

明朱之蕃

戲題聞促織

明張維

絡緯

明朱之蕃

紡織婆

明朱之蕃

蒼蠅

明朱之蕃

蚊

明陳成

蟆子

唐元稹

浮塵子

唐元稹

巴蛇

唐元稹

蜘蛛

唐元稹

蛛網

明瞿佑

壁魚

唐李遠

蝸牛

宋蘇軾

蟻

唐元稹

咏物詩選卷第八目錄終

目錄

四庫全書局印行

咏物詩選卷第八

魏塘俞琰長仁輯

禽部

鳳 詩依元本

唐李嶠

棲跡依丹穴尊為百鳥王九苞昭聖瑞五色備文章屢向秦臺側頻過洛水陽鳴岐今日見阿閣佇來翔

孔雀

唐李郢

越鳥青春好顏色晴軒入戶看沾衣一身金翠畫不得萬里山川來者稀綠竹慣聽時獨舞樓臺初上欲孤飛刺桐花謝芳華歇南國同巢應望歸

鶴

唐李嶠

黃鶴遠聯翩從鸞下紫煙翱翔一萬里來去幾千年已愁青田側時遊丹禁前莫言空警露猶冀一聞天

又

唐鄭谷

一自王喬放自由俗人行處懶回頭睡輕旋覺松花墮舞罷閑聽澗水流羽翼光明欺積雪風神灑落占高秋應嫌白鷺無仙骨長伴漁翁宿葦洲

又

唐褚載

欲沈霜翎下澗邊却嫌菱刺汚香泉沙鷗浦鴈應驚訝一舉扶搖直上天

獨鶴

唐韋莊

夕陽灘上立徘徊紅蓼風前雪翅開應為不知棲宿處幾回飛去又飛來

病鶴

唐項斯

青雲有意力猶微豈料低回得所依幸念翅因風雨困豈教身陷稻梁肥曾遊碧落寧無侶見有清池不忍飛縱使他年引仙駕主人恩在亦應歸

鴈

唐鄭谷

八月悲風九月霜蓼花紅澹葦條黃石頭城下波搖影星子灣西雲間行鷺散漁家吹短笛失羣征戍鎖殘陽故鄉聞爾亦惆悵何況扁舟非故鄉

新鴈

唐吳融

湘浦深春始北歸玉關搖落又南飛數聲飄去和秋色一字橫來背晚暉紫閣高飛雲幕暮暮瀾川低渡雨微微莫從思婦臺邊過求得征人萬里衣

蚤鴈

明高棅

涼霜八月塞天寒飛渡衡陽楚水寬少婦樓頭初掩瑟一行先向夕陽看

白鴈

元謝宗可

翅老西風點綴秋江難認宿蘆花雲邊字缺銀鉤斷月下箏聞玉柱斜影亂飛鷗回遠浦陣迷宿鷺落平沙聲聲叫起蘇郎恨為帶吳霜染鬢華

孤鴈

唐杜甫

孤鴈不飲啄飛鳴聲念羣誰憐一片影相失萬重雲盡似猶見哀多如更聞野鴝無意緒鳴噪自紛紛

又

唐崔塗

幾行歸去盡片影獨何之暮雨相呼失寒塘獨下遲渚雲低暗度關月冷遙隨未必逢綰繳孤飛自可疑

鴈字

元謝宗可

蘆花月底寄秋情陣影南飛勢不停一畫寫開湘水碧半行草破楚天青雲殘冷印蟲書迹煙墨濃摹鳥篆形題盡子卿心事苦斷文無數落寒汀

又

不藉蒙恬筆力嘉數行書破楚天涯風前過處真連草月下歸來整復斜硯水半泓迷霧雨錦箋千尺掛雲霞分明寫出瀟湘景懊惱聯翩又落沙

重北府試出籠鵲

唐濮陽璠

玉鉞分花袖金鈴出彩籠搖心長捧日逸翮鎮生風一點青霄裏千聲碧落中星眸隨狡兔霜爪落飛鴻每念提攜力膏懷搏擊功以君能惠好不敢沒遙空

白海青

元袁易

渺渺東溟刷羽翰乍隨天馬萬人觀孤飛雪點青雲破一擊秋生玉宇寬賜予豈將追鴈鷺驅除直欲辨鼎鸞江南明月難同色夢想瑤瑤白露灣

鷹

明申時行

何處蒼鷹掣錦條霜林颯颯灑寒毛擢身萬里層霄迥側翅三秋殺氣高狡兔還應愁窟穴驚鳩那敢決蓬蒿聖朝祝網開三面搏擊何須借爾曹

又

唐高越

雪爪星眸世所稀摩天專待振毛衣虞人莫漫張羅網未肯平原淺草飛

雉

唐李嶠

白雉振朝飛聲來表太平楚郊疑鳳出陳寶若鷄鳴童子懷仁至中郎作賦成冀君看飲啄耿介獨含情

烏

日落歸飛急，霜臺夕影寒。聯翩依月樹，迢遞繞風竿。白首何年改，清琴此夜彈。靈臺如可托，千里向長安。

歸鵲

明高啟

啞啞噪夕暉，爭宿不爭飛。未逐冥鴻去，長先野鶴歸。荒村流水遠，古戍淡煙微。借問寒林樹，何枝最可依。

鵲

唐鄭谷

暖戲煙蕪錦翼齊，品流應得近山鷄。雨昏青草湖邊過，花落黃陵廟裏啼。遊子乍聞征袖溼，佳人纔唱翠眉低。相呼相喚湘江澗，苦竹叢深春日西。

又

唐元晟

背霜南鴈不到處，倚棹北人初聽時。梅雨滿江春草歇，一聲聲喚荔枝枝。

子規

唐吳融

舉國繁華委逝川，羽毛飄蕩一年年。他山叫處花成血，舊苑春來草似煙。雨暗不離濃綠樹，月斜長吊欲明天。湘江日暮聲悽切，愁殺行人歸去船。

又

唐雍陶

蜀國春城聞蜀鳥，思歸聲引未歸心。卻知夜夜愁相似，爾正啼時我正吟。

鵲

唐徐夔

神化難源瑞即開，雕陵毛羽出塵埃。香閨報喜行人至，碧漢填河織女回。明月解隨烏繞樹，青銅寧愧雀為臺。瓊枝翠葉庭前植，從待翩翩去又來。

鵲

唐杜甫

鵲鳴含愁思，聰明憶別離。翠衿渾短盡，紅背謾多知。未有開籠日，空漸宿舊枝。世人憐復損，何用羽毛奇。

又

明高岱

一入深籠損翠衣，隴雲秦樹事全非。月明萬里歸心切，花落千山舊侶稀。樓傍玉樓春盡，永夢回金鎖曙光微。翩翩海燕，羣相趁，簾幙風高得意飛。

白鵲

附張劬

不借禽王彩，貴身雪衣。嫌子自精神，能歌紅窗爭。樊素學舞，霓裳傍太真。栖穩玉樓花外，雨夢殘珠樹。麗頭春新來，念得觀音號。莫倚聰明，又罵人。

畫眉

小鳥平分倒暈名，澹黃杏子刷雙翎。雕籠妬伴因爭撫，粧閣催人欲掃青。嫩柳梢頭憐自立，遠山樓上喚誰聽。前身應記張京兆，叫碎花陰月滿庭。

畫眉禽

宋 文同

盡日間窗坐好風一聲初聽下高籠
公庭事簡人皆散如在千巖萬壑中

畫眉

明 范 言

寶髻蓬鬆錦帳垂曉晴慵起鬪花枝
濃粧未必能承寵何事幽禽喚畫眉

鶯

唐 羅 鄴

暖辭雲谷背殘陽飛下東風翅漸長
却笑金籠是羈絆豈知瑤草正芬芳
曉逢溪雨投紅樹曉轉宮樓泣舊粧
何處離人不堪聽灞橋斜日裏垂楊

又

唐 僧 貫 休

何處經年絕好音暖風催出轉喬林
羽毛新刷陶潛菊喉舌初調叔夜琴
藏雨並棲紅杏密避人雙入綠楊深
曉來枝上千般語應共桃花說舊心

黃鶯

唐 鄭 谷

春雲薄薄日輝輝宮樹煙深隔水飛
應為能歌繫仙籍麻姑乞與女真衣

聽宮鶯

唐 王 維

春樹遶宮牆春鶯啼曙光忽驚啼暫斷
移處弄還長隱葉棲承露攀花出未央
遊人未應返為此思故鄉

燕

唐 鄭 谷

年去年來來去忙春寒煙曉渡瀟湘
低飛綠岸和梅雨亂入紅樓揀杏梁
閒几硯中窺水淺落花徑裏得泥香
千言萬語無人會又逐流鶯過短牆

又

唐 秦 韜 玉

不知大厦許棲無頭已銜泥到座隅
曾與佳人並頭語幾回拋却繡功夫

白燕

明 袁 凱

故國飄零事已非舊時王謝見應稀
月明湘水初無影雪滿梁園尚未歸
柳絮池塘香入夢梨花庭院冷侵衣
趙家姊妹多相妬莫向昭陽殿裏飛

又

明 瞿 佑

脫却烏衣絕點埃銀屏珠箔舊生涯
玉京老去粧初改玉樹歸來鬢已華
避雨有時沾柳絮驚雲何處認梨花
飛瓊不向瑤臺去却入尋常百姓家

睡燕

元 謝 宗 可

補巢銜罷落花泥困頓東風倦翼低
金屋晝長隨蝶化雕梁春靜怕鶯啼
魂飛漢殿人應老夢入烏衣路轉迷
却怪卷簾人喚醒小橋深巷夕陽西

新燕

元 張 弘 範

海棠開後月黃昏王謝樓臺寂寂春柳外東風花外雨香泥高壘畫堂新

唐杜甫

歸燕

不為避霜雪其如傳侶稀四時無失序八月自知歸春色宜相訪衆雛還識機故巢倘未毀會傍主人飛

燕雛

唐吳融

掠水身猶重隈風力尚微反苔難定立簷雨忽喧歸未識重溟遠先愁一葉飛銜泥在他日兩兩占春暉

百舌

唐杜甫

百舌來何處重重紙報春知音兼衆語整翮豈多身花密藏難見枝高聽轉新過時如發口君側有讒言

又

唐王維

上蘭門外草萋萋未央宮中花裏棲亦有相隨過御苑不知若個向金堤入春解作千般語拂曙能先百鳥啼萬戶千門應覺曉建章何必聽鳴鷄

春鷄

唐溫憲

村南微雨新平綠淨無塵散睡柔條暖閒鳴屋脊春遠聞和曉夢相應在諸鄰行樂花時

節追飛見亦頻

白鷄

唐徐寅

舉翼凌空碧依人到大邦粉翎棲畫閣雪影拂瓊窗振鷺堪為侶鳴鳩好作雙狎鷗歸未得覩爾憶晴江

雀

唐李嶠

大廈初成日嘉賓集杏梁銜書表周瑞入幕應王祥暮宿江城裏朝遊漣水傍願齊鴻鵠志希逐鳳凰翔

又

宋李觀

繡戶珠簾見最頻暖來寒去但安身翟公門下時飛入全勝交情斗頓人

花上白頭翁

明王綬

欲訴芳心未肯休不知春色去難留東君亦是無情物莫向花間怨白頭

戴勝

唐賈島

星點花冠道士衣紫陽宮女化身飛能傳上界春消息若到蓬山莫放歸

啄木

唐朱慶餘

丁丁向晚急還稀啄遍庭槐未肯歸終日與君除蠹害莫嗔無事不平飛

桐花鳥

唐僧可朋

五色毛衣比鳳雛，深花叢裏祇如無。美人買得偏憐惜，移向金釵重幾絀。

鴛鴦

唐崔珏

翠鬢紅毛舞夕暉，水禽情似此禽稀。暫分烟島猶回首，只渡寒塘亦共飛。映霧盡迷珠殿瓦，逐梭齊上玉人機。採蓮無數蘭橈女，笑指中流羨爾歸。

又

寂寂春塘煙晚時，兩心如影共依依。溪頭日暖眠沙穩，渡口風寒浴浪稀。翡翠莫誇饒彩飾，鵝鵝須羨好毛衣。蘭深芷密無人見，相逐相呼何處歸。

又

唐羅鄴

紅閒碧靜麝煙開，錦翅雙飛去又回。一種相連名字好，盡緣人恨別離來。

鷗

唐杜甫

江浦寒鴟戲，無他亦自饒。却思翻玉羽，隨意點青苗。雪暗還須落，風生一任飄。幾羣滄海客，清影日蕭蕭。

白鷗

唐陸龜蒙

慣向溪頭漾淺沙，薄煙微雨足生涯。時時失伴沈山影，往往爭飛褭浪花。晚樹清涼還鷗鷺，春池寂寞老蒹葭。池塘信美應難戀，針在魚脣劍在蝦蟆。

池上雙鳬

唐吳融

雙鳬狎得傍池臺，戲藻衝蒲遠又回。敢為搗梁凌險去，幸無鷹隼觸波來。萬絲春雨眠時亂，一片濃萍浴處開。不在籠欄夜仍好，月汀星沼勝徘徊。

雙白鷺

唐雍陶

雙鷺應憐水滿池，風飄不動頂絲垂。立當青草人先見，行傍白蓮魚未知。一足獨拳寒雨裏，數聲相叫荻花時。林塘得爾須增價，況與詩家物色宜。

鷺

唐鄭谷

閒立春塘煙淡淡，靜眠寒葦雨颼颼。漁翁歸後沙汀晚，飛下灘頭更自由。

又

唐杜牧

雪衣雪髮青玉臂，犀羣捕魚兒。溪影中驚飛，遠映碧山去。一樹梨花落晚風。

鷗鷺

唐唐彥謙

一宿南塘煙雨時，好風搖動綠波微。驚離曉岸衝花去，暖下春汀照影飛。華屋攔絃彈歌舞，綺窗含筆浹毛衣。畫屏見後長回首，爭得雕籠莫放歸。

鷗鷺

唐杜牧

芝莖抽紺趾清唳擲金梭日翅閒張錦風池去習羅靜眠依翠杵暖戲折高荷山陰豈無
爾爾字換羣鵠

翡翠

唐僧齊己

水邊飛去青難辨竹裏歸來色一般磨吻鷹鷂莫相害白鷗鴻鴈滿沙灘

水鳥

唐吳融

煙為行止水為家兩兩三三睡暖沙為謝離鷺兼別鵠如何禁得向天涯

鷄

唐徐寅

名參十二屬花入羽毛深守信催朝日能鳴送曉陰裁冠裝瑞壁利爪削黃金徒有稻粱
感何由報德音

鬪鷄

明瞿佑

五德名稱不自持怒憑爪背決雄雌三郎好勝真英王亞子爭疆豈小兒兩陣猛如劉項
敵一場喜入孟韓詩紅羅纏項收功後贏得旁觀舉酒卮

鷄鳴

唐汪遵

金距花冠傍舍棲清晨相叫一聲齊開闕自有馮生計不必天明待汝啼

鷄雛

明瞿佑

殷分混沌見精神風侶鸞傳暫化身傍母浴沙花徑午隨羣啄粟草堂春饒牆屋後妻涎
久飢鷄天邊側目頻羽翼漸成文采備不陪談論亦可晨

花鴨

唐杜甫

花鴨無泥滓階前每緩行羽毛知獨立黑白太分明不覺群心妬休牽眾眼驚橋梁沾汝
在作意莫先鳴

鷺

唐李商隱

眠沙臥水自成羣曲岸殘陽極浦雲那解將心憐孔雀羈雌長共故雄分

舟前小鷺兒

唐杜甫

鷺兒黃似酒對酒愛新鷺引頸鳴船過無行亂眼多翅閒遭宿雨力小困滄波客散層城
暮狐狸奈若何

獸部

麟

唐李嶠

漢祀應祥開魯郊西狩迴奇音中鐘呂成角喻英才畫像臨仙閣藏書入帝臺若驚龍吐
哺為覩鳳凰來

獅

明夏言

金眸玉爪目懸星羣獸聞知盡駭驚怒懾能罷威凜凜雄驅虎豹氣英英嘗聞西國嘗馴養今出中華應太平却羨文殊能服爾穩騎駕馭下天京

象

附吳偉業

神象何年至傳聞自戰場齒能齧玉德性不受金初白足跼蹐坐黃門拜舞行越人歸駕馭未許鼻亭狂

虎

元於汝王

班寅贏得號將軍月黑深山星目分長嘯一聲風括地雄跳三勦獸奔羣不堪羊質披文炳無奈孤行假說車擊毒由來人共懾豈知更有猛於君

豹

唐李嶠

車法肇宗周鷄天闡大猷還將君子變來蘊太公籌委質超羊羣飛名列虎侯若令逢雨露長隱南山幽

熊

導洛宜陽右乘春別館前昭儀忠漢日太傅翔周年列射三侯滿興師七步旋莫言舒紫褥猶異飲清泉

紫騮馬

唐沈佺期

青玉紫騮鞍騎多影屢盤荷君能翦拂蹀躞噴桑乾踞足追奔易長鳴過賞難提金一萬里霜露不辭寒

又

唐秦韜玉

渥洼奇骨本難求況是豪家重紫騮騰天宜懸銀壓膂力渾欺著玉銜頭生稊弄影風隨步蹀躞衝塵汗滿溝若過丈夫能控馭任從騎取覓封侯

驄馬

唐萬楚

金絡青驄白玉鞍長鞭紫陌野遊盤朝驅東道塵恒滅暮到河源日未闌汗血每隨邊地苦啼傷不憚隴陰寒君能一飲長城窟為報天山行路難

觀內厩馬

明曹榮

繡勒雕鞍七寶裝天閑十二見飛黃行驂鸞輅隨仙仗嘶過龍樓識御香玉轡按時經細柳錦綵控處獵長楊虎文鳳臆真無匹浪說周家八駿良

胡馬

唐杜甫

胡馬大宛名鋒稜瘦骨成竹批雙耳峻風入四蹄輕所向無空闊真堪托死生驍騰有如此萬里可横行

病馬

乘爾亦已久天寒闕塞深塵中老盡力歲晚病傷心毛骨豈殊衆馴良猶至今物微意不淺感動一沈吟

天馬詞

唐張仲素

蹀躞宛駒齒未齊批金噴玉向風嘶來時欲盡金河道獵獵輕風在碧蹄

索駝

附吳偉業

獨任三軍苦安西萬里行鑄銅疑鶴頸和角廢驢鳴山負祁連重泉知鄯善清可憐終後戴汗血擅功名

牛

唐李嶠

齊歌初入相燕陣垂橫功欲向桃林下先過梓樹中在吳頻喘月奔夢屢驚風不用五丁士如何九折通

代牛言

唐劉叉

渴飲潁川水飢喘吳門月黃金如可種我力終不歇

老牛

元宋元

草繩穿鼻繫柴扉殘喘無人問是非春雨一犁鞭不動夕陽空送牧兒歸

羊

唐李嶠

絕飲懲澆俗行驅夢逸材仙人擁石去童子馭車來夜玉含星動晨纒映雪開莫言鴻漸力長牧上林隈

金絲犬

明瞿佑

擺尾搖頭慶所遭愛同獅子銜金毛花前喜共狸奴戲月下難隨狗黨嗥易卦已曾稱小畜書篇底用說靈爇主翁要使防門戶免逐韓盧較獵勞

題犬

元貢性之

深宮飽食恣撻撻臥毯眠纒慣不驚却被捲簾人放出宜男花下吠新晴

白鹿

明瞿佑

角端字刻表銅牌知向宜春勝地來仙子倒騎歸闕苑聖君馴養在靈臺長生自得千年壽問色誰將二女猜待看呦呦食苹後吹笙鼓瑟慶筵開

猿

唐杜甫

裊裊啼虛壁蕭蕭挂冷枝艱難人不免隱見爾如知慣習元從衆全生或用奇前林騰每及父子莫相離

夜猿

唐馬戴

日飲巴江水還啼巴岸邊秋聲巫峽斷夜影楚雲連露滴青楓樹山空明月天誰知泊船

者聽此不能眠

猿

元宋元

已映聞聲愁斷腸冷泉照影綠陰涼藤搖亂雨領兒過樹曬斜陽拾蟪蛄忙獻果去尋幽洞
遠攀蘿來撼落花香空山月暗無人見啼入白雲深處藏

又

唐徐寅

宿有喬林飲有溪生來踪跡遠塵泥不知心更愁何事每向深山夜夜啼

白兔

明瞿佑

白玉梭脫鼻竊遠隨重譯到皇畿仙山昔慣餐霞草月殿今看舞羽衣塵褐已將孤換
腋霜毫欲與雪爭輝蒼鷹黃犬休回顧拔宅西來得所依

黑兔

明曹榮

傳聞三穴久儲精日啖玄霜異質成八竅總含蒼露溼一身斜軀黑雲輕行來青瑣應難
覓立向瑤臺却盡驚自是太平多瑞物願隨毛穎咏千城

乞猫

明文徵明

珍重從君乞小狸女郎先已辦襦袍自緣夜榻思高枕端要山齋護舊書遣聘自將鹽裹
箸策勦其道食無魚花陰滿地春堪戲正是鼯眠二月餘

懶猫

附張劬

秦養空勤費夜呼性慵奈像主人何鬚然囊穴防寒早目送跳梁戒殺多食少魚腥春悶
悶眠殘花影雪皚皚長卿四壁雖如水誰管偷詩物似梭

貓兒

宋林逋

纖鉤時得小谿魚飽卧花陰興有餘自是鼠嫌貧不到莫慚尸素在吾廬

碩鼠

元鄧文原

未黍連雲待歲功爾曹竊食素餐同平生貪黠終何用看取人間五技窮

銀鼠

附張劬

杏山穴產耀靈龜獵網追風捕幾何竄地捷于逃月兔跳空亮比擲星梭松林溜粉膏還
避雪害爭輝冷却過總為微名誇世寶新來冠服借伊多

鱗部

龍

明陳成

變化非常物含生類不羣天淵無定在大小忽相分萬甲盡藏雨渾身通繞雲蒼生方待
澤莫只睡無聞

雷雨起龍

宋范成大

雨工避事欲蟠泥帝遣豐隆執以歸連鼓一聲人失箸不知破壁幾梭飛

鯉魚

唐章孝標

眼似真珠鱗似金時時動浪出還沉浪中得上龍門去不數江河歲月深

黃魚

唐杜甫

日見巴東峽黃魚出浪新脂膏兼飼天長大不容身筒桶相沿久風雷肯為神泥沙卷涎沫回首怪龍鱗

金魚

明瞿佑

逐隊隨羣樂自如桃花浪暖變形軀散如萬點流星迸聚似三春濯錦舒玉帶高懸知陸見紫囊同賜憶朝除池中有此稱三寶須備神龍攫大珠

又

明朱之蕃

誰染銀鱗琥珀濃光搖鬢鬣映芙蓉清池躍處桃生浪綠添分開金在鎔丙穴靈源隨地湧離宮正色自天鍾羣魚漫爾同游泳矧見飛空化赤龍

比目魚

附吳偉業

比目誠何恨滄波作伴遊幸逃網罟厄可免別離愁小市時珍改殘書土物收若逢封禪詔定向海邊求

白小

唐杜甫

白小羣分命天然二寸魚細微需水族風俗當園蔬入肆銀花亂傾箱雪片虛生成猶捨鉶盡取義何如

膾殘

附吳偉業

棄擲誠何細夫差信老饕微茫經七箸變化入波濤風俗銀盤薦江河玉饌高六千殘卒在脫網總秋毫

燕窩

海燕無家苦爭啣白小魚却供人採食未卜汝安居味入金盤美巢營玉壘虛大官求遠物早獻上林書

小魚

唐盧綸

蓮花影裏暫相離纔出浮萍值罟師上得龍門還失浪九江何處是歸期

龜

唐徐寅

行止竟何從深溪與古峰青荷巢瑞質綠水返靈踪鑽骨神明應酬恩感激重仙翁求一卦何日脫龍鍾